

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 410734 21 St
Tuzla, 21.03.2022. godine

Općinski sud u Tuzli, sudija Faruk Arnaut, kao stečajni sudija, odlučujući o prijedlogu za otvaranje stečajnog postupka nad imovinom dužnika „HIZRA ISA COMMERCE“ d.o.o. za transport, promet i usluge, export import Kalesija, zastupanog po punomoćniku Enveru Pašćanoviću advokatu iz Kalesije, van ročišta donio je dana 21.03.2022. godine sljedeće:

R J E Š E N J E

POZIVAJU SE povjerioci i sva zainteresovana lica da u roku od 30 (trideset) dana od dana objave prepisa rješenja, predlaže sudu otvaranje stečajnog postupka nad imovinom društva „HIZRA ISA COMMERCE“ d.o.o. za transport, promet i usluge, export import Kalesija i izvrše uplatu predujma iznosa od 2.000,00 KM, na ime troškova stečajnog postupka na žiro-račun Suda, broj: 132-100-03091233-91 NLB d.d. BiH, te da dokaz o izvršenoj uplati dostave sudu pozivom na broj predmeta.

Ukoliko povjerioci ili neko od zainteresovanih lica ne predlaže otvaranje stečajnog postupka uz uplatu naloženog iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

O b r a z l o ž e n j e

Rješenjem ovog suda 25.01.2022.godine pokrenut je prethodni postupak za utvrđivanje uslova za otvaranje stečajnog postupka nad imovinom dužnika „HIZRA ISA COMMERCE“ d.o.o. za transport, promet i usluge, export import Kalesija, a za privremenog stečajnog upravnika imenovan je Almir Bajrić iz Tuzle.

Na ročištu za ispitivanje uslova za otvaranje stečajnog postupka od 21.03.2022. godine privremeni stečajni upravnik je pojasnio svoj izvještaj koji je dostavio u spis suda dana 15.02.2022 godine. Na osnovu izvještaja privremenog stečajnog upravnika i izjave stečajnog upravnika na ročištu za ispitivanje uslova za otvaranje stečajnog postupka, sud je zaključio da društvo dužnika ne posluje duži vremenski period, nema aktivno otvorene račune kod poslovnih banaka, da ne posjeduje pokretnu imovinu, kao ni nepokretnu imovinu što je privremeni stečajni upravnik utvrdio provjerama izvršenim kod Zemljišnoknjižnog uredu Općinskog suda u Kalesiji i i katastarskom operatu općine Kalesija. U pogledu obaveza društva, po osnovu finansijske dokumentacije privremeni stečajni upravnik je evidentirao dug od 95.325,00 KM, od čega 94.999,00 KM se odnosi na obaveze po osnovu neplaćenih plaća, naknada i ostalih primanja zaposlenika.

Prema izvještaju privremenog stečajnog upravnika dostavljenom sudu koji je obrazložen na ročištu, proizilazi jasan zaključak da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban, trenutno nije likvidan niti solventan, jer ne može izmiriti svoje obaveze, pa su time ispunjene pretpostavke za pokretanje stečajnog postupka nad stečajnim dužnikom „HIZRA ISA COMMERCE“ d.o.o. za transport, promet i usluge, export import Kalesija, na osnovu čl. 6. st. 1. i 2. Zakona o stečaju („Sl. Novine“, FBiH broj 53/2021).

Prema nalazu i mišljenju privremenog stečajnog upravnika, predujmljeni troškovi za provođenje prethodnog postupka u iznosu od 3.000,00 KM, nisu dovoljni i za podmirenje troškova stečajnog postupka, pa je privremeni stečajni upravitelj predložio sudu da donese rješenje o uplati dodatnog iznosa sredstava na ime predujma za troškove provođenja stečajnog postupka. Navedeni iznos je potreban radi finansiranja troškova stečajnog postupka, a koji troškovi se sastoje od nagrade za rad stečajnog upravnika, materijalnih troškova stečajnog upravnika, troškova računovodstva i administrativnih poslova, troškova arhiviranja u ukupnom iznosu od 3.300,00 KM.

Stečajni upravitelj je dostavio podnesak u kojem sa specifikacijom iznosa potrebnih troškova za vođenje stečajnog postupka do ispitnog i izvještajnog ročišta, te kada se u obzir uzme nagrada za rad privremenog stečajnog upravnika tokom prethodnog postupka u bruto iznosu od 1.603,00 KM, sa naknadom za troškove prethodnog stečajnog postupka u iznosu od 87,20 KM, proizilazi da preostane iznos od 1.300,00 KM iz uplate predujma za prethodni postupak koji bi mogao pokriti dijelom troškove vođenja stečajnog postupka.

Obzirom da prema navodima privremenog stečajnog upravnika u skladu sa provedenim prethodnim postupkom je utvrđeno da dužnik nema imovine i sredstava za finansiranje stečajnog postupka sem u dijelu iznosa koji preostane nakon provedenog prethodnog postupka, to je sud pozvao povjerioci i sva zainteresovana lica da izvrši uplatu predujma u visini od 2.000,00 KM, radi finansiranja troškova stečajnog postupka temeljem odredbe čl. 102. st. 7. Zakona o stečaju.

Ukoliko stečajni dužnik povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka sud će otvoriti stečajni postupak i odmah ga zaključiti u skladu sa čl. 102. st. 8. Zakona o stečaju.

Odluka o javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina FBiH, zasniva se na odredbi člana 103. stav 8. Zakona o stečaju.

SUDIJA

Faruk Arnaut

POUKA O PRAVNOM LIJEKU: Protiv ovog rješenja nije dozvoljena žalba.